

## DICURAHKAN!

### HARI 2— Selaraskan dengan Keutamaan Kerajaan

Kisah Para Rasul 1:6-8

#### *Masa Bersendirian dengan Tuhan*

##### Doa

##### Terokai Firman

1. Baca Kisah Para Rasul 1:6–8. Apakah keutamaan yang ada dalam fikiran murid-murid Yesus?
2. Apakah keutamaan Yesus terhadap murid-murid-Nya?
3. Apakah keutamaan yang paling banyak menghabiskan tenaga anda?

Penjelasan daripada Ellen White:

Sebelum diangkat ke syurga, Kristus telah memberikan amanat kepada murid-murid-Nya. Dia memberitahu mereka bahawa mereka akan menjadi pelaksana kehendak yang mana Dia mewariskan kepada dunia harta kehidupan kekal. Kamu telah menjadi saksi kehidupan pengorbanan-Ku bagi pihak dunia, Dia berfirman kepada mereka. Kamu telah melihat pekerjaan-Ku untuk Israel. Dan walaupun umat-Ku tidak mahu datang kepada-Ku untuk memperoleh kehidupan, walaupun para imam dan pemerintah telah melakukan kepada-Ku seperti yang mereka kehendaki, walaupun mereka telah menolak-Ku, mereka akan mempunyai satu lagi peluang untuk menerima Anak Tuhan. Kamu telah melihat bahawa semua orang yang datang kepada-Ku, mengakui dosa-dosa mereka, Aku terima dengan tangan terbuka. Dia yang datang kepada-Ku tidak akan Aku buang sama sekali. Kepada kamu, murid-murid- Ku, Aku menyerahkan mesej belas kasihan ini. Ia akan diberikan kepada orang Yahudi dan bukan Yahudi—pertama, kepada Israel, dan kemudian kepada semua bangsa, bahasa, dan kaum. Semua orang yang percaya akan dikumpulkan ke dalam satu gereja. (*The Acts of the Apostles*, ms. 27, 28)

##### Fokus Doa

Serahkan keutamaan peribadi anda kepada Yesus sebagai Tuhan. Mintalah Tuhan untuk menjadikan kerajaan-Nya sebagai keutamaan anda!

#### *Lingkaran Keluarga/Sahabat*

##### Aktiviti yang Menghubungkan

Jemput semua orang untuk berdiri dan menutup mata mereka. Dengan mata tertutup, susun diri anda dalam satu barisan lurus tanpa bersentuhan antara satu sama lain. Anda hanya boleh menggunakan suara anda untuk membentuk satu barisan. Selepas anda membentuk barisan, bukalah mata anda. Bagaimana hasilnya?

##### Doa untuk Roh Kudus

Berdoalah bersama, “Ya Tuhan, bukalah mata kami oleh Roh Kudus agar kami dapat bersatu dalam misi-Mu yang diamanatkan kepada kami.”

##### Terokai Firman

1. Baca Kisah Para Rasul 1:6–8. Bandingkan permintaan Yakobus dan Yohanes dalam Markus 10:35–37 dengan soalan murid-murid dalam Kisah Para Rasul 1:6. Apakah tema yang memenuhi fikiran murid-murid?
2. Baca Kisah Para Rasul 1:7. Apakah jawapan Yesus kepada para murid-murid-Nya diucapkan kepada keluarga anda tentang kebimbangan anda tentang masa depan?

Penjelasan daripada Ellen White:

Amanat injil adalah pesanan misionari agung kerajaan Kristus. Para murid harus bekerja dengan sungguh-sungguh untuk jiwa-jiwa, memberikan kepada semua orang jemputan belas kasihan. Mereka tidak seharusnya menunggu orang ramai untuk datang kepada mereka; mereka seharusnya pergi kepada orang ramai dengan berita ini. (*The Acts of the Apostles*, ms. 28)

### **Fokus Doa**

Buat satu bulatan dan berlutut dalam doa. Bersatulah dalam meminta Tuhan untuk memberikan hati-Nya kepada anda untuk keutamaan-Nya. Mintalah janji Roh Kudus-Nya agar anda dapat menjadi saksi-Nya ke mana sahaja anda pergi.

## ***Keluarga Gereja***

### **Selamat datang**

#### **Ibadah dalam Doa**

PEMIMPIN KEPADA SEMUA: Duduk bersama kumpulan kecil anda. Pasukan berdoa kami akan menjemput kumpulan kecil anda untuk berdoa melalui Firman Tuhan bersama-sama. Selepas berdoa selama beberapa minit, anda akan mendengar pasukan berdoa mula menyanyikan satu rangkap sebuah lagu. Apabila ini berlaku, sila beralih daripada berdoa kepada bernyanyi.

#### **Pujian:**

1. (KUMPULAN KECIL) Dengan Alkitab anda terbuka kepada Lukas 19:10, fikirkan nama-nama untuk Yesus yang menggambarkan keutamaan-Nya (contohnya: Gembala). Pujilah Dia dengan nama-nama ini!
2. (SEMUA) Nyanyikan lagu pujian.

#### **Pertaubatan:**

1. (KUMPULAN KECIL) Baca Lukas 19:8. Zakheus bertaubat daripada dosa-dosanya. Mintalah Tuhan untuk membantu anda menjalani kehidupan yang penuh pertaubatan.
2. (SEMUA) Nyanyikan lagu tentang pertaubatan.

#### **Permintaan:**

1. (KUMPULAN KECIL) Baca Yohanes 14:16. Berdoalah agar Roh Kudus datang dan menjadi Penolong kita.
2. (SEMUA) Nyanyikan lagu tentang Roh Kudus.

#### **Berkongsi**

(KUMPULAN KECIL)

Berdua atau bertiga dalam kumpulan kecil anda. Tanya dan jawab: “Apakah yang Tuhan bantu anda lakukan melalui Cabaran 24 Jam semalam?”

(Cabaran 24 Jam Semalam: Dalam tempoh 24 jam akan datang, matikan semua peranti elektronik selama 10 minit. Baca Mazmur 46 secara peribadi—hanya anda dan Tuhan. Puji Yesus Kristus kerana menjadi Tuhan yang hidup! Mintalah Roh Kudus untuk meletakkan seorang insan di hati anda, dan kongsikan dengan orang itu satu sebab anda tahu Yesus masih hidup. Baca Kisah Para Rasul 1:6-8 sebagai persediaan untuk hari esok.)

#### **Aktiviti yang Menghubungkan**

PEMIMPIN KEPADA SEMUA: Berdiri dalam satu bulatan bersama kumpulan kecil anda. Fikirkan satu tugas penting yang terdapat dalam senarai tugas anda (seperti membayar bil, berjoging, atau memperbaiki kereta). Secara bergiliran,

laksanakan tugas itu secara senyap sementara orang lain cuba meneka tugas itu. Kita semua mempunyai banyak keutamaan—mendesak dan penting—tetapi apakah keutamaan Tuhan bagi kita?

### **Ibadah dalam Firman**

(KUMPULAN KECIL)

1. Baca Kisah Para Rasul 1:6, 7 dan Matius 6:33. Bagaimanakah kata-kata Yesus dalam Matius 6:33 memberi makna kepada kata-kata-Nya dalam Kisah Para Rasul 1:6, 7?
2. Baca Pengkhotbah 3:1–11. Apakah yang boleh kita pelajari dalam petikan ini tentang kurnia masa dan keutamaan?

Penjelasan daripada Ellen White:

Para murid harus meneruskan pekerjaan mereka dalam nama Kristus. Setiap perkataan dan tindakan mereka adalah untuk menarik perhatian kepada nama-Nya, yang mempunyai kuasa agar orang berdosa dapat diselamatkan. Iman mereka harus berpusat pada-Nya, sumber rahmat dan kuasa. Dalam nama-Nya mereka harus menyampaikan permintaan mereka kepada Bapa, dan mereka akan menerima jawapan. Mereka harus membaptis dalam nama Bapa, Anak, dan Roh Kudus. Nama Kristus harus menjadi semboyan mereka, tanda perbezaan mereka, ikatan persatuan mereka, autoriti bagi tindakan mereka, dan sumber kejayaan mereka. Tiada apa pun yang akan dikenalkan dalam kerajaan-Nya tidak membawa nama dan tulisan-Nya. (*The Acts of the Apostles*, ms. 28)

### **Fokus Doa**

PEMIMPIN KEPADA SEMUA: Berdoalah untuk keutamaan kerajaan Kristus. Berdoalah agar hati Kristus yang menjangkau mereka yang sesat menjadi hati anda.

### **Panggilan**

PEMIMPIN KEPADA SEMUA: Siapakah di sini malam ini yang yakin bahawa keutamaan hidup mereka pada hari-hari terakhir ini bukanlah keutamaan Yesus Kristus? Saya menjemput anda untuk menyertai saya meminta Tuhan untuk menetapkan semula keutamaan kita agar sepadan dengan keutamaan Kerajaan-Nya.

### **Cabaran 24 Jam**

PEMIMPIN KEPADA SEMUA ORANG: Senaraikan empat keutamaan utama anda dalam hidup sekarang—jujur dengan realiti semasa di mana hati dan fokus anda sedang berada. Berdoalah dan baca Yakobus 1:5–8. Tanyakan kepada Tuhan apakah yang Dia inginkan empat keutamaan utama anda. Buat senarai dan letakkannya di tempat yang anda akan melihatnya setiap hari. Dengan pertolongan Tuhan, ambil langkah iman sekarang untuk hidup menurut keutamaan-Nya bagi hidup anda! Baca Kisah Para Rasul 1:9–11 sebagai persediaan untuk hari esok.